



## POZIV

### za dostavu sugestija i primjedbi za izmjene i dopune Zakona o visokom obrazovanju

Ministarstvo za obrazovanje, nauku i mlade Kantona Sarajevo je u proteklom periodu zaprimilo veći broj kako formalnih tako i neformalnih inicijativa za provođenje postupka izmjena i dopuna važećeg teksta Zakona o visokom obrazovanju ("Službene novine Kantona Sarajevo" broj: 42/13-Prečišćeni tekst i 13/15).

Opredjeljenje ovog ministarstva je da normativni okvir u oblasti visokog obrazovanja treba biti dizajniran tako da omogući generiranje daljnjeg razvoja kako u oblasti visokog obrazovanja tako i u svim drugim segmentima društvenog života. Zakonska rješenja u oblasti visokog obrazovanja treba da visokoškolskim ustanovama omoguće obavljanje djelatnosti na način kojim se osigurava efikasno ostvarivanje interesa društvene zajednice u oblasti visokog obrazovanja kao i da budu harmonizirana sa normativnim rješenjima u okviru evropskog prostora visokog obrazovanja.

U cilju cjelovitog sagledavanja adekvatnosti postojećih zakonskih rješenja, kako i osnovanosti zaprimljenih inicijativa za izmjenama i dopunama Zakona o visokom obrazovanju, Ministarstvo za obrazovanje, nauku i mlade Kantona Sarajevo poziva sve zainteresovane, a prije svega predstavnike i članove ustanova u oblasti visokog obrazovanja, da u roku od 30 dana od dana objavljivanja ovog poziva u pisanoj formi dostave svoje prijedloge i sugestije za izmjenama i dopunama Zakona o visokom obrazovanju.

Nakon pažljive analize zaprimljenih prijedloga i sugestija, Ministarstvo za obrazovanje, nauku i mlade Kantona Sarajevo će u okviru svojih nadležnosti, razmotriti opravdanost preduzimanja daljnjih aktivnosti koje bi rezultirale pokretanjem zvaničnog postupka izmjena i dopuna Zakona o visokom obrazovanju.



**MINISTAR**  
*dr. Elvir Kazazović*

Sarajevo; 29.06.2015.godine

